

湖南府縣志輯

中國地方志集成

光緒通志縣志(11)
同治通志縣志



中國地方志集成

湖南府縣志輯 ⑬

光緒湘潭縣志(二)

同治瀏陽縣志

江蘇古籍出版社●上海書店●巴蜀書社

湘潭縣志卷八之三

人物第八 列傳一

狄業 曾祖崇謙 祖文蔚 父希顏 子遵度 遵禮 遵明 遵遠

譚章 曾祖裕 祖明 父盛章 弟二 譚世勳

鍾震 父約 子鍾震 父將 鍾訓 鍾如愚 鄭一之 彭宗

孟張大任 華四 王以甯 父長 五 胡大原 大正大

本大壯 大履 大時 六 胡穎 父璵 七 何涓 潘緯 王

宜桂可 劉菊 變理 溥化 姜天 馬合漢 王汝礪 趙康

劉承錫 八 婁昇 王學顏 中 謝肇元 劉靖 九

習嘉言 廖自顯 廖際 十 周之屏 曾祖顯 父訓 之翰

之基 之龍 之禮 子聖 十一 唐九德 祖禮 子 唐選 張

嘉言 父大學 子燧 曾 胡正 笏 來孫 陳起 鵬 陳 陳

應海 十二 李騰 芳 父族 子 十三 石萬 程 父

子開 雲 孫 囑 森 倫 曾 孫 觀 元 孫 十四 王命 宣 父

養源 養源 子承 榮 承 榮 子廷 文 十五 蔡揚 宗 達

書 餘 敬 徵 孫 晉 政 曾 孫 榮 名 榮 蘭 王 昭 熙 王 世

超子 德臨 十五 蔡自強 父汝 任 榮 璠 王 昭 熙 王 世

弟長 氏 子 鶯 兒 孫 士 琰 劉 開 屏 李 家 杏 尹 蘇 民

尹 岐 晚 生 王 十六 周星 父 逢 泰 子 櫛 弟 斐 旋 姓

世 逸 王 琳 周 星 父 逢 泰 子 櫛 弟 斐 旋 姓

新 且 方 臨 孫 昭 甲 昭 甲 從 弟 昭 郭 金 臺 郭 維 嶽 弟 維

卓 附 卓 子 世 舉 周 環 周 循 郭 金 臺 郭 維 嶽 弟 維

郭勸 楊 十七 劉赤 子 授 易 授 麟 授 書 授 詩 嶺 胡

升子吟 曹光 詔 子 桂 森 顏 十八 曾田 璜 父 殿 先 石 鵬 翥

父右 剛 弟 鴻 翥 十九 張文 炳 子 垣 垣 城 坤 垣 坊

鍾九 鑑 九 鑑 子 世 孫 來 孫 吟 九 鍵 子 世 法 世 潘 九 鑄

子 宋 黎 垣 子 九 錢 九 錢 子 世 津 坊 子 九 鑄 九 鑄 九 鑄

九 銜 九 鑄 子 世 院 世 院 世 院 子 家 孫 孫 聲 玠 世

謙 子 家 禮 文 樹 家 禮 文 樹 家 禮 文 樹 家 禮 文 樹 家 禮

陳鵬 年 樹 家 禮 文 樹 家 禮 文 樹 家 禮 文 樹 家 禮 文 樹

樹 善 子 本 義 朱 本 廿一 黃中 理 祖 王 鈐 父 繩 志

敬 子 廷 楓 羅 健 亨 父 校 孫 貽 孫 子 之 仲 孫 昌 履

承 祖 從 子 日 鑄 劉元 熙 父 校 孫 貽 孫 子 之 仲 孫 昌 履

劉元 燮 父 松 子 亨 龔承 鈞 父 士 璵 龔爾 廿二 秦

文 超 孫 用 易 秦 宜 關 秦 天 璵 龔爾 廿二 秦

光 緒 十 四 列 傳 一 日 第 二 卷 八

子 相 廿三 李天 龍 父 王 從 父 瑞 琦 兄 起 鳳 翼 弟

李光 緒 李之 儀 李 廿四 張璠 祖 父 元 龍 子

家 福 李之 儀 李 廿四 張璠 祖 父 元 龍 子

元 龍 五 世 孫 力 卓 力 卓 力 卓 力 卓 力 卓 力 卓 力 卓 力

五 蔡揚 宗 達 蔡 澈 德 張 爲 權 父 焯 蔣 銘 錄

蔣 銘 錄

蔣 銘 錄

蔣 銘 錄

狄棐列傳第一 宋史本傳 隆平集 歐陽修集

狄棐字輔之曾祖崇謙桂陽令祖文蔚清湘縣令父希

顏徐相錄事參軍棐少隨父官徐州以文謁路振振器

愛之妻以女咸平三年進士甲科以大理評事知分宜

縣歷開封府司錄知壁州道長安為寇準所厚準復人

相乃薦通判益州擢開封府判官歷京西益州路轉運

江淮制置發運使累遷太常少卿知廣州加直昭文館

代還不以南海物自隨人稱其廉拜右諫議大夫龍圖

閣直學士權判吏部流內銓出知滑州進給事中徙天

雄軍會給郊賞帛不善士卒謹諫趣府門棐不能治事

光緒十四年刊 列傳一 卷八

聞命侍御史劉夔案視未及境眾不自安棐馳白夔請

給以行河事夔至與轉運使李絳誅首惡數人棐坐罷

懦降知隨州徙同州旬當三班院進樞密直學士歷知

陝鄭州河中河南府復判流內銓出知揚州未行卒年

六十有七棐自稱唐相仁傑十四世孫或曰有狄國賓

者仁傑之後分仁傑告身與棐棐錄國賓一官云棐

在河中時有中貴人過郡言將援棐於上前棐荅以它

語退謂所親曰吾湘潭一寒士今官侍從可以以老而

污邪其為政愷悌不為表暴死之日家無餘貲 宋史言

長沙人曾帶隆平集則云潭州湘潭人今攷王安石撰

遵禮墓志亦稱避五代亂去太原古籍湘潭間歐陽修撰

某州某縣人則直稱長沙縣者非歐

穎悟篤志於學每讀書意有所得即仰屋瞪視人呼之

不聞也少舉進士一斥於有司恥不復為以父任為襄

縣主簿居數月棄去好為古文著春秋禠說多所發明

嘗忠時學靡傲作擬皇太子冊文除侍御史制裴晉公

傳人多稱之尤嗜杜甫詩嘗讚其集一夕夢見甫為誦

世所未見詩及覺纔記十餘字遵度足成之為佳城篇

後數月卒有集十二卷弟遵禮字子安少以父任試禮

書省校書郎二遷為大理評事知湖州安吉縣大姓為

氏所為多不法前後令不敢擊遵禮捕得劾治改鄞縣

築亭觀延閣士章望之講學士子歸之擢知興化軍興

溫承秋蓋之陂漑南非西洋民食其功改知通州時颺

風壞民廬舍勞來安集不以遺後人七遷為尚書駕部

郎中改朝議大夫旬管崇禧觀致仕以子明遠官進左

朝議大夫卒遵禮天資敦厚不道人短長待僚屬盡敬

見其一長輒保薦不以疑似輕絕之遵度死事嫂劉撫

孤子不愧古人退居與父老款曲未嘗謁府縣于間遠

右朝請大夫明復河南府通判明權蚤卒明通郊社齋

郎明忠承務郎明述明昭

栗字仲莊，棊從弟也。父某不仕，幼孤，事母鄉里，稱其孝。好學，自立年四十始用。其兄棊，廕補英州真陽主簿，再調安州，應城尉，終其去，縣無一盜。以材任治，民薦遷。穀城令，漢苑之民，惟鄧穀爲富，縣尚書銓吏常邀厚賂，以售貧令。省中私語曰：鄧一穀，二故二邑，未嘗得廉吏。其豪猾習以賕賄污令，而自爲恣。至粟，一切以法繩之。茲民大吏，不使其政，往往訴於其上。雖覆按，率不能奪。粟所爲，其州所下文符，有不如理，必輒封還。州吏亦切齒。求粟過失，不可得。粟益不爲之屈。其後，民有訟田而粟誤斷者，坐被劾已。而縣籍強壯爲兵，有兵訟田之民隱。

光緒十四年 列傳三

湘潭縣志 卷八

丁以規避者，栗笑曰：是民嘗訴我，然彼冤能自伸，此令之所欲也。吾豈挾此而報以罪邪？因置不問。是時西非初用兵，州縣既大籍強壯，而謠言相驚，云驅以備邊。縣民數萬聚邑中，會秋大雨霖，米踊貴，絕粒。粟發常平倉振之，有司劾粟擅發倉廩，粟卽具伏朝廷，特原之。又嘗正稅籍之失，而吏免破產逾年，政大洽。乃修孔子廟，作禮器，與其邑人春秋釋奠，而興於學。時歐陽修爲乾德令，嘗至其縣，與其民言，皆曰：吾邑不幸有生，而未識廉吏者，長老所記，纔一人曰張及，繼之者今狄君也。以治績遷大理寺丞，知新州，母憂服除，赴京，師道病，慶曆五

年七月卒於宿州，年五十六。子遵，誼遵，微皆舉進士。贊曰：狄稱世族，樞密廉平，祖梁友萊，不巧而卿，穀城儒吏，代有科名。湘西者，彥、豈、燿、簪、纓。

光緒十四年 列傳四

湘潭縣志 卷八

譚章列傳第二 汪藻墓志 一統志 宋元學案

譚章字煥之其先衡陽人四世祖將徙家洞庭過昭潭而愛之因家焉曾祖裕祖映父盛三世居鄉稱善人長者章隱居六十餘年專以求志為事孝於親誠於物視聽起居必依於禮平居讀書務求其義不為循習傳故歷代治亂興衰之由宋興以來因革罷行之政悉貫穿商推縱談極辨詩文高古精深根於義理方數百里間有識者藉其教有材者賴其養不能仰事俯育者待其振給鄰里之訟不能決者不之官府而之章人尊仰之甚於父兄有老人黃升貸章錢百萬行而遇盜盡亡之

光緒十四年刊

湘潭縣志 卷八

歸謝於章章曰幾累吾故人今生還幸矣尚何言升感之為文紀其事少警敏為文立成以親老不可遠游盡以所學付其子弟由是弟升子世勛皆擢進士顯於時遭靖康之變章痛哭一日喪明時世勛為禮部侍郎數以書勉其忠義故世勛當張邦昌僭國時力起之至不食幽憤而死計聞章歎曰吾子得死所矣不勝父子之情一己之私也為國盡節死天下之公也吾何恨哉乃雪涕自慶不復戚戚於懷以世勛恩累封右朝議大夫紹興十四年卒年八十六世勛自有傳

舊志作申今登政和五年進士授王府贊讀張邦昌

僭位以為屯田郎中力拒之會兄子世勛死崎嶇亂兵間護柩歸葬紹興四年起知筠州旱禱於郊頃之雨歲饑民不能輸賦升請罷徵監司督益急升堅持之坐降秩後致仕歸老於昭潭筠人思之不已為祠祀之號曰古潭

知禮字子立世勛族子也家世貴仕而知禮居市廛習舉子業胡安國居碧泉往從之居其精舍習春秋治資治通鑑安國卒弟子多散去知禮暫歸省遠還衡山與安國子寅宏晝夜讀書惡壞器盛糲食菜羹若將終身謂宏曰不得聖人之道不歸矣會其親卒知禮奔喪未

光緒十四年刊

湘潭縣志 卷八

及除服而卒君子惜之元張起巖文集稱湘潭譚景衡與歐陽逢泰履勘學田湮沒者悉登故額士廩以羨癸酉景衡子魁鄉薦教授羅子遠以為盡心得美報子遠羅椅也而景衡名未聞其子亦未傳宦迹癸酉當宋度宗時益入元不仕云

贊曰朝議義方教忠成節筠州下考催科政拙子立死學朝聞夕獎譚世儒門傳芬不歇

舊志作申今登政和五年進士授王府贊讀張邦昌

譚世勛列傳第三 宋史本傳

譚世勛字彥成潭州長沙人 本舉郡望史 第進士教授

郴州時王氏學盛行世勛雖不喜或問之曰說多而屢

變無不易之論也置其書不觀又中詞學兼茂科除秘

書省正字時相蔡京子攸領書局同舍郎多翕附以取

貴仕世勛獨坐直廬繼書竟日梁師成之客與為鄰居

數致師成願交意謝不荅在館六年不遷京罷用久次

為司門員外郎又三年遷吏部京復相嫌不附已罷提

點太平宮久之復遷吏部待臣妄引恩澤任子持不與

吏白有某例世勛曰豈當以暫例破成法已而取中旨

行之進少府監擢中書舍人以謹命令惜名器廣言路

者賜予正上供省浮費六事言于上又為當路所嫉以

徽猷閣待制知婺州未行復畱之徽宗禪位東幸且還

使與李熙靖副執政奉迎遂同主管龍德宮請辨正宣

仁國史之誘述欽聖遺旨以復瑤華大享神祖仍用富

弼侑食釋奠先聖不當以王安石配後皆施行秋七月

誓出東方大臣或謂此四夷將衰之兆世勛面奏垂象

可畏當修德以應天不宜惑諛說進給事中兼侍讀內

侍喧爭殿門詔以贖論世勛駁其不恭因言童貫輩初

亦甚微小惡不懲將馴至大患疏入同類側目何栗建

光緒十四年刊 列傳七 湘潭縣志 卷八

議分外郡為四道置都總管事得顛決世勛言裂天下

以付四人而三畿所治者纔十六縣獨無尾大不掉之

慮乎栗不樂改禮部侍郎金騎駸駸南下世勛言守邊

為上策今邊不得守守河則京畿自固中策也巡幸江

南會東南兵以捍敵下策也金人既渡河又請遣大將

秦元以所部京畿保甲分護國門使兵勢連屬首尾相

援即金人不敢偪孫傳深然之又格於栗議再扈車駕

至金帥帳以十害說其用事者言講解之利詞意忠激

金人聳聽張邦昌僭國令與李熙靖同直學士院皆稱

疾臥不起以憂卒年五十四建炎初襄其守節贈端明

殿學士 光緒十四年刊 列傳八 湘潭縣志 卷八

世勛族孫中立居忠臣鄉幼慧五歲對問驚其長老中

童子科官至吏部侍郎廖道南楚紀稱其有文章治行

世勛七世孫濟字濟翁少有膽決元末湖湘寇亂集鄉

兵衛閭里從元帥楊完者東下完者敗死濟歸胡大海

從攻下蘭溪金華從鄧愈破臨川進授南昌從常遇春

追也率丞相軍於大甯全甯錦州遼河從李文忠追沙

不丁至三不刺野馬河皆有功授金華屯將賜文錦頃

之移屯平陽鹽徒六百餘人為亂殺三魁巡檢領軍往

捕悉禽之青田姦民葉保五聚眾謀叛省臣議徵兵討

之濟曰小孽不足煩大軍即躬率諸巡檢兵至處州軍
 楊山砦賊眾輕其兵少逆戰破平之平陽姦民造偽鈔
 巢窟深隱濟偵知其地禽其魁首在鎮號有威略尤輯
 部曲諸大將起羣盜不免剽掠唯濟軍秋毫無所犯濟
 孫福以貢生官知縣行取御史女爲仁宗妃明時選女
 於勳臣世家復以恩擢職世襲濟官蓋指揮千戶以上
 其後宜有世官未詳其爵蔭嘉靖時有譚舜臣字近齋
 富而好施門置紅白二色米紅米予白米施僧歲終
 則設粥兼持肉脯以遺獄囚湘漲則具船載鹽米以救
 阻水飢困之家常行市見盜攫金默不言失金者疑其
 光緒十四年刊 列傳九 湘潭縣志 卷八
 同侶遂爭鬥舜臣爲償金解之終不言盜者盜愧而改
 行初舜臣故貧薄而性仁厚急人之急務竭己所有人
 以爲必自困反以益饒至縣者無不知有譚善人以富
 壽終孫景行十九歲第進士明末殉城死景行字翼之
 父寵與李騰芳友善侍往因畱食景行始七歲騰芳試
 令屬文應聲破題意思不凡十五鄉舉明年第進士二
 十知新會縣治行甚著母喪歸遂死於難明時以循政
 著者又有陳佑文慕庸俱以薦入官佑文終湖州知府
 庸爲宜黃丞其行績見凌迪知萬姓統譜縣人顧無知
 之者

贊曰端明守靜崎嶇危國高臥僞廷馳心漠北世有聖
 童昭其祖德濟翁武達不慚儒服

光緒十四年刊 列傳十 湘潭縣志 卷八

黎彪鍾楊鄭張列傳第四

黎明字才翁以孝友信義著稱師事胡安國建炎之亂安國避地荆門明除廬室具器幣往迎安國衡麓湖湘之學皆起於此又嘗從學張昞昞託其母於明至是阻賊中間關往迎以歸過鄂州京西提刑李允文亦至明曰鄂多招安之寇而允文凶惡必與爲亂亟去之一月而難作韓徽言使湖南高宗令訪山林不仕賢者以明薦召命未下而卒全祖望論明以爲侯無可之流湖南學派之盛最有功紹熙時有黎季忱一作季成受學朱熹嘗言學校所設詩書禮樂而已而朱子所集四書又在四

光緒十四年刊

列傳十一

湘潭縣志卷八

者之先初入學者苦其零碎得四書則統體通貫與禮陵吳獵等均爲新安正傳焉

彪虎臣字漢明父約孝友渾厚間有言人過失者掩耳去之虎臣以經術教授學者爭迎致天性和易而教尚方嚴以不欺爲本孝弟爲先文裁爲後從之者不徒務進取要有所畏而不爲張昞早游京洛多見名輩所至以訪求人物爲己任宣和典教長沙遣其婿就虎臣學虎臣名益著號爲鄉先生卒年七十有五方胡安國南渡湘虎臣一見契之及子長遂命從學胡氏子居正字德美受學胡宏與張栻同師友善栻稱其天姿慈茂

倦倦以窮理持敬相勸勉宏疾居正往問且求教宏示以仁敬凡所與論皆志其大宏卒後學者多從居正稱爲彪夫子朱子敬其年德以前輩推之劉珙知潭州修復嶽麓書院養士數十人延禮居正使爲之長與張栻論大學次第開學者義利公私之辨師友淵源多引彪德美言爲重云

鍾震字春伯父將之字仲山淳熙中爲常州教授遷國史編修官嘉定中充金陵帥府判官元始侵金收其部落將之上言金衰弱可罷其歲幣史彌遠方以和金爲功惡將之停其官震居衡山紹熙中朱子講學嶽麓執

光緒十四年刊

列傳十二

湘潭縣志卷八

執門下往復問難教蒼爲多震恐遺忘悉筆之書爲甲寅所聞語錄又深契程頤主一之旨築主一書院講學其中湖南人士翕然從之嘉定中官南宮舍人真德秀帥潭延典郡教稱爲主一先生端平初詔授侍讀加吏部侍郎

楊訓字子中受學胡安國嘗問孝安國曰謹言而慎行一言之尤一行之悔是不孝也退而思曰吾從事斯經以太學進士爭能否於筆舌間者已二十年豈有內省之功從事言行乎乃更誦語孟覽經史稜稜致養不汝汲於利祿其在碧泉講舍久而愈恭

鍾如愚字師顏年十六師事張栻以書問仁因留受業弱冠中進士刻意學而不仕晚官嶺海引年而歸除南嶽書院山長監南嶽廟

鄭一之字仲禮師張栻朱熹栻教以勿放熹教以平心易氣闕疑以見聖人之意稱其善讀易云嘗與論大極性善致知及繫詞往復明辨具於張朱集中

彭宗孟字尚英隱居好學尤深於易作易解用一卷始於屯蒙終於乾坤吳獵吳旂序其書實之學宮漕使鄧汝謹具禮請見焉

張大任嶽麓上舍生嘗注春秋頗為學子所傳子華能光緒十四年刊列傳十三

傳其業楊萬里亟稱之官迪功郎

論曰湘潭志書始自明成化以前國故缺如也輯羣書訪舊聞唯宋末諸儒集中間有所見今並采宋元學案存胡張弟子著當時儒林授受之盛焉

湘潭縣志 卷八

王以甯列傳第五宋史高宗紀 三朝非盟會編 李忠定集 一統志 漁隱叢話

王以甯字周士父長孺宋元祐進士徽宗時守靖州因

言事落職以甯在太學抗章申理由是知名佐鼎沸帥

幕谿蠻嘯聚單騎入賊巢羈致其酋靖康初金兵入寇

羽檄徵天下兵以甯自長沙走鼎州請師躬率入援解

太原圍除京畿提刑何桌初拜中丞建議京畿守備以

甯上書曰竊聞閣下以雄詞大筆屈天下之豪傑以亢

烈疏亮中立不倚自結富寧一人之知抗章請郡足未

出關明日禁中出片紙御宸翰雷公為中執法天意特

達豈徒然哉殆欲聞天下之言也人主不得聞天下之

言則天下之事去矣一旦慨然而悟赫然而斷惕然有

憂天下之心則治亂安危成敗之機如反覆手此豈非

天下之慶乎閣下盍亦正心誠意求天下之士以裨聖

主之聰明鳳鳴朝陽士類幸甚方今天下有甚可憂者

五請為閣下畧言之河北山東之盜少者數百名者數

千白晝橫行掠人婦女剽人貲產巡尉不敢抗縣鎮不

能守滋蔓浸淫未見消除之漸使皆庸人野夫其志不

過于避徭役獵衣食脫寒餓何足憂哉萬一其間有虎

勇如項籍雄鷲如李密輩起而憑之樂禍之徒雲集麀

至此愚之所憂者一也郭藥師者遼東一小美爾左右

光緒十四年刊列傳十四 湘潭縣志 卷八

賣國見利斯動豈復知有名義者封崇之栽培之羽翼已成頭角已露燕民之生竭取而後已常勝之兵日增而不休爭養義兒陰蓄死士貪賴亡恥之流樂爲之肘腕其志不在范陽節度使大則爲侯景安祿山小則爲田承嗣王武俊之所爲吾之所以備豫未見其策此愚之所憂者二也起金肅軍西行直雲武者夏人保此最爾之地猶能與上國爭衡今浮梁以東勝州之沃壤金國取之以遺夏人此孫權借荊州以鬥曹氏之意也夏人得勝州其可遂已乎假以歲月人飽馬肥控弦南來其志欲得李克用之所據劉繼元之所巢而後滿閣下

光緒十四年刊

列傳十五

湘潭縣志卷八

試圖將帥孰可以付此愚之所憂者三也契丹雖失國種落不下十萬蹣跚乎松漠陰山之下其心未嘗一日忘漢也雲中之民王靈弗加歸漢之心似或中變使耶律延禧置膽于坐少洪天輔之風不忘其亡主則雲中之眾填然躍而附之少康以一旅復舊物雖非所及而城濮之役楚司馬尚在吾獨無憂哉此愚之所憂者四也以阿骨打之勃興吳乞買之保聚粘罕之機籌加以漢人如白公巨楊朴之流相與輔相之緩則邀我金幣貪憚無厭急則驚我邊圉戰守無人燕山歲計已不翅一契丹女真之錫子復過一契丹餓虎之喙何時而饜

耶此愚之所憂者五也蓋亦知所以消憂之道乎清心省事一言而足矣蓋清心省事則吾民之衣食足衣食足則盜賊消盜賊消則國勢強國勢強則姦雄息姦雄息則夷狄畏懷太平無象之福與天下共之豈不樂哉又云平州之張覺勇而善守宣州之韓慶民沈毅而有謀雲中之蘇京嬌歸之二三大姓吾遣一介之使慰安其心使爲前騎後角旁衝直搗之援燕山之民田可以爲屯田燕山之丁壯可以爲弓箭手常勝之兵可以分隸諸將則藥師蕭然一降虜耳循理則拊之跋扈則誅之尙何憂哉夏人陸梁則當謹河東之疆圍契丹復振

光緒十四年刊

列傳十六

湘潭縣志卷八

則當懷雲中之舊民金國之勢目前初若強盛豈有連兵累年政在權貴再世而無事者加以漢人之無賴者非心悅而誠歸之豈無譏謔發于君臣父子之間遲以數年女真復爲數部落矣此五者初固甚可憂聖上今赫然獨斷慨然力行則反手之間轉憂爲樂此又係于閣下之一言爾願閣下無負聖主特達爾公之意天下幸甚果不能用李綱甚奇之及宣撫兩河因辟爲幕官綱造范瓊屯南非關解潛威勝軍劉韜屯遼州以甯與都統制折可求張思正等屯汾州皆去太原五驛約三道直進時諸將承受御畫事皆專達進退自如宣撫司

雖有節制之名多不遵命劉韜兵先進戰敗解潛與敵
遇於南關亦大敗會有詔復以种師道爲宣撫使召綱
還以甯亦還爲京畿提刑綱罷樞密知揚州以甯亦自
免歸綱責建昌軍安置尋移雲安行至長沙詔復綱原
官領開封府事綱聞命卽率湖南義旅入援費以甯以
甯未果行而許爲之繼綱書杜甫魏將軍歌遺之欲以
激其氣行未至而京師陷以甯遂不行孔彥舟反由鼎
州至甯鄉以甯時爲湖南宣撫司參議官帥師拒之不
能克彥舟遂入潭州會張浚爲川陝京湖宣撫處置使
命以甯以宣撫司參議制置襄鄧招諭巨盜桑仲等皆

光緒十四年刊
列傳十七

湘潭縣志
卷八

降之初程千秋爲京西制置使軍襄陽招降桑仲曹端
等未幾疑仲命端圖之仲遂據襄陽京西列城皆爲所
有宰相范宗尹請赦仲罪而授以官朝廷從之復命以
甯諭仲除仲襄鄧隨鄂州鎮撫使仲亦以其黨霍則知
鄂州李道知隨州上疏願協力收復京師乞朝廷舉兵
爲聲援乃命仲節制軍馬霍明誘而殺之仲既敗眾追
咎以甯招仲欲以中李綱張浚也及後襄陽通判趙去
疾見帝帝問桑仲何如人去疾曰忠義人也帝問其故
去疾曰臣嘗見桑仲爲臣言必欲取東京獻朝廷只乞
一文職與子耳帝惻然感動而論以甯者不已及浚喪

師召赴行在辛炳常同劾浚辟置非其人爲湖南北之
害猶指撫桑仲爲言也以甯乞罷章十餘上以顯謨閣
直學士致仕年未五十自號收公綱罷相居鄂州以詩
寄以甯李綱寄王周士詩云年來百念冷於灰夢到江
湖又一回從此故人音問近洞庭秋色雁邊來
浚在興元遣祭諸葛亮亦命以甯爲文益二人俱欲倚
以甯以興復以甯亦感知遇欲倚以立功名久於帥府
終不見容嘗賦詩見志詩曰人情一日白頭
浪世事幾番黃葉風其平時精
治文章不掩壯志所作小詞亦句法精健無浮豔虛薄
之習唯用刑峻厲自傳於董相用殺之指亦以好殺爲
諸人所藉口焉

光緒十四年刊
列傳十八

湘潭縣志
卷八

贊曰李張負望因名得諺周士魁奇增其價張有材弗
庸歸吟風浪邦衡同志考槃衡嶂

諸胡列傳第六

胡大原字伯逢其先崇安人祖安國字康侯紹聖進士
爲太學博士提舉湖南學事蔡京惡之除名高宗時爲
給事中論故相朱勝非落職奉祠門人黎明楊訓除廬
舍儲峙以待且往迎之至碧泉至則如歸遂定居焉道
學開自周敦頤鄉邦無傳其學者至安國及子寅宏來
發明之湖湘之學比於關洛寅官至禮部侍郎宏以蔭
補右承務郎寅侮秦檜貶幾夙檜復官宏終不仕大
原則寅之子也寅常官於外又久遷謫大原皆不及從
故不傳其父學得於宏者爲多宏弟子以張栻爲最栻

光緒十四年列傳十九

湘潭縣志 卷八

初守師說先察識後涵養及後與朱熹更定其說熹有
中和舊說之輯詳著其說明改義所由也唯彪居正以
爲栻見大本未明故爲人所移大原與其季父實及吳
翌等亦仍守師說甚固與朱張並有辨論不以知言疑
義爲然大原於兄弟最長逮事祖父安國諸父從楊時
游習聞其緒論又嘗追錄其語焉

大正字伯誠寅之從子也以任入官累遷泉州簽判賊
有逼臨漳者泉爲鄰境城門晝閉近郊有荷斧四五十
人邏卒捕之同官欲斬以徇大正不可曰賊豈無攻具
乃以短斧思破城邪訊之果樵者時人服焉

大本字季立大原從弟也父甯安國第二子以蔭補官
試館職遷祠部郎官出爲夔路安撫司參議除知澧州
大本學於叔父宏與張栻共學栻徙館嶽麓大本從之
最敬重栻以爲同門所不及胡氏諸子中亦無有篤信
栻如大本者大本樂道不求仕以隱居終其身

大壯字季履宏之子也早傳父學復問學於張栻又與
弟大時卒業於朱子其後羣從零落殆盡獨大壯老壽
學業益精進造請問業者戶屢常滿邦人尊之曰西園
先生四方欽仰焉時劉安世孫孝昌亦有高名居長沙
與大壯俱爲名賢子孫守臣以聞謂宜官之以繼賢人

光緒十四年列傳二十

湘潭縣志 卷八

之世大壯匿影南嶽下以讀書談道自足實無意祿仕
朝廷亦不徵也或云宏子又有大履者一統志言其學
於朱張然於宋人書無徵或卽大壯與

大時字季隨宏少子也宏疾甚以大時託張栻栻遂教
之而妻以女乾道中朱熹呂祖謙及栻徒眾並盛東南
稱三大儒栻學源胡氏後乃改從朱氏大時仍執家說
然亦廣博陳傅良傳永嘉經制之學通判潭州大時又
從問焉朱張游南嶽大時復數請益書疏往來屢有辨
難其後陸九淵自謂其學易簡不支離大時契之約爲
昏相自是宅心高明復類金溪云爲陸學者迺或援大

時爲九淵弟子其於道學中類禩家也自安國居碧泉
宏又作有本亭於泉上有竹石花木之勝紹興中朱震
與安國禩飲碧泉歎其勝槩比諸李愿之樂盤谷學者
因稱大時曰盤谷先生張栻旣沒門人數十聚處湖外
論說常不合成就大時質正大時各爲剖析分別而更
以呈朱子亦卒無以易也碧泉距南嶽邇而遠於縣治
故於時稱衡山胡氏而後或遂以胡氏爲衡山人
贊曰胡開潭學朱張繼響五子名家季隨爲長自治治
人何分歧兩且立程門功先涵養

光緒十四年刊

列傳二十一

湘潭縣志
卷八

胡穎列傳第七 宋史本傳

胡穎字叔獻父璵娶趙方弟雍之女故穎與兄顯俱從
趙方顯拳勇絕人以此武得官方在襄陽每出師命與
其子葵各領精銳分道赴戰摧堅陷陣聚散離合前無
勍敵端平元年六月趙范爲帥遣弟葵及全子才經畧
二京七月二日子才至汴道荒梗不得進二十日范至
督顯合子才將范用吉等萬三千人持五日糧取洛陽
明日遂發諸軍懼糧不繼乃以五日糧爲七日食至中
牟監軍徐敏子議遣勇士諭洛使趣降顯以深入召敵
持不可因命顯分所部二千人扼河陰張迪將二百人

光緒十四年刊

列傳二十二

湘潭縣志
卷八

襲洛陽夜踰拔入城空無一人二十八日軍皆入二十
九日食盡其夜後軍遇元兵於洛東二十里敗潰八月
戊辰朔元兵至城下諸將議退師分步軍爲東西翼敏
子率大軍濟洛而陣元兵突營敗退明日元兵以剛牌
擁進拒戰殺四百餘人奪剛牌三百餘自旦至午軍士
飢困突圍由嵩山走浮光元兵追之大潰餘二百餘人
經元砦柵轉門而前凡食桑葉者兩日食梨棗者七日
范等聞變遽自汴還襄陽委過楊義徐敏子等而顯得
全師從范歸累官至檢校太尉穎自幼機警手神秀異
諸勇賞焉以爲類已成童能倍誦諸經中童子科復從

兄學弓馬母不許曰汝家世儒業不可復爾遂感厲苦
學尤長春秋紹定二年范討李全檄穎入幕全敗遺獻
俘於朝以賞補官五年登進士第歷官知平江府兼浙
西提點刑獄移湖南兼提舉常平即家置司所至毀淫
祠數千區衡州有靈祀吏民畏事穎撤其屋作來諗堂
奉母居之加樞密都承旨爲廣東經畧安撫使湖州僧
寺有大蛇前後任湖者皆敬奉之前守未嘗詣俄去官
州人疑焉已而旱則咸以爲果蛇所致後守不得已詣
之蛇蜿蜒而出大驚得疾遂卒穎至廣州檄湖州令僧
昇蛇至大如柱而黑色載以欄檻穎令之曰果有神當
光緒十四年刊 列傳二十三 湘潭縣志 卷八

三日見靈變及期轟然殺蛇毀寺竝罪其僧咸消八年
知靜江府廣西經畧安撫兼計度轉運使乞祠祿詔勤
一轉依所乞宮觀穎正直剛果不喜邪佞博學強記吐
辭成文書判下筆千言倉卒之際對偶皆精切當事情
援據經史讀者驚歎枉軍微服察行諸營夜分不息臨
政善斷不畏強禦蔡王府十二人行劫穎悉斬之一日
輪對理宗曰聞卿好殺意謂浙獄也穎曰臣不敢屈大
祖之法以負陛下帝默然及卒 贈四官 文天祥 謝翱 謝枋 謝 胡石壁 文鳴時

我舒大川獨航予縹予縹萬微未燭吾善吾龜更後千
百載之祝融而復爲此奇嗟乎余乎登門何晚哭野何
遂披几杖今焉從持佩袂今何所紛雲委兮川流化經
當費九京今千古余有言
今孰問寄浪浪兮雕俎
贊曰端平半壁衡山是力顯勇似舅策名帝室安撫剛
方文通武辟晚得優游退閒爲福

光緒十四年刊 列傳二十四

湘潭縣志 卷八

世說變以偷生公謂九天以爲正也人厄臨以自務公
玉雪而不聰明也而鬼域以誑人於冥公揭日月而
騰雷而也石壁之神人天出金鐵可摧鐵爲公直有
壁之靈焉 賤賈奉華可移執爲公筆 國壽一書 我卷

何潘宜變理馬王劉列傳第八

何涓潘緯唐懿宗時俱以文學知名王定保作披言以

為湘南人舉漢縣名也涓業辭學善為賦緯善詩緯嘗

詠古鏡屢易其囊至十年迺定吟窗雜錄記其句云象經千古蹤影萬一堂寒

涓才思敏妙為瀟湘賦一夕而就時以涓似枚皋緯僻

蹇類賈島俱臻雅正兩稱之為之語曰潘緯十年吟古鏡何涓一夕賦瀟湘自

開元中制博學宏詞湖外髦俊罕有與者乃至第進

士亦為破荒至是涓與劉瞻俱試辭科瞻遂得舉涓緯

並咸通中第進士其先澧州李羣玉以詩名海內及五

代時才彥亦盛漢晉以後湖湘之學復興由此時也宋

光緒十四年刊 列傳二十五 湘潭縣志 卷八

仁宗時有王中立性豪縱多技能與晉陵胡宿集于蘇

州相友善宿狂傲少所推許獨于中立歸寄詩敘心焉

胡宿寄昭潭王中立詩高絃一弄武陵深六幕天空萬里心吳苑歌騷成久別楚峯回

期隔三百枯蒼奕思沈莫上孤城頻極目浮雲西北是家林

宜桂可字可山博通經史弟子及門受學者以百餘計

元初南士多不樂仕進後乃稍就儒費以自養桂可亦

以薦授茶陵州學正遷潭州路教授卒時劉辰翁趙文

方有盛名論者謂桂可足頡頏劉趙開其文集不傳後

有劉菊里武宗即位以文學薦召直翰林院時詔加孔子號曰大成今菊里撰制既而用閻復所撰者授菊里

文林郎

變理溥化字元溥一字玄圃其先色目人元制蒙古色

目雜居行省附於民籍溥化先世以勳舊居湘潭遂為

州人至治二年進士選舒城縣達魯花赤縣自宋季學

枝衰微延祐中縣尹杜思敬始重建廟而講堂庫陋弗

治久益壞部使宋翼督縣尹改作辭以故逮溥化至始

捐已俸度材庀工撤而新之規制宏敞乃與廟稱虞集

聞而善之以溥化之為邑知重學校於為學知重講學

知本者也縣龍眠山故有龍眠書院在治東飛霞亭北

元初東禪寺僧弁之而書院廢溥化得隙地於清心亭

光緒十四年刊 列傳二十六 湘潭縣志 卷八

上昔李公麟與蘇軾黃庭堅之所其游者迺闢地為屋

以復書院之舊元統元年徙樂安縣政尚清簡言色不

動患除利興大府知其治信從無所撓民亦孚化期月

之間遂以無事迺取其縣之廢弊而修補之若官府學

校病涉之濟醫師之宮凡所當為而力可為者皆謹飭

規制善工美材為經久之計以廟學為最重尤致意焉

大修禮殿作門廡以成廟制作講堂七間為執經修禮

習樂之所又作學宮居室諸生齋舍小大稱事無所苟

且都宮之南有池水屬民間重購而得之浚治寬衍其

形勢益以明敞入為治書御史將受代溥化念樂安去

郡遠田租之輸勞費艱險常受後時之責力請於上得
計直而納貲其它政可見者尤眾樂安人思之平章徹
里帖木兒議罷科舉參政許有壬苦爭不能奪及宣詔
特命有壬爲班首以折辱之有壬懼禍不敢辭有壬本
起進士入官溥化廷謂之曰參政可謂過河拆橋者有
壬以爲大恥移疾不出溥化徧歷三臺以奉直大夫致
仕歸其先出揭奚斯之門奚斯卒溥化編序其集在樂
安以職事如京師造虞集集深善之凡溥化所興作集
皆爲之記又爲題其麓峯春曉圖深美其政治及除御
史寄詩稱疊集慎許可其揚詡才俊未有過於溥化者

光緒十四年列傳二十七

湘潭縣志
卷八

也溥化營別業於湘潭北郭與賓客姬侍畫舸蕭鼓日
夕游樂少嘗讀書縣西楊梅洲又作亭其上以觀農事
今城北有雙湖變園乃所居也溥化非南士而明代祀
之鄉賢蓋元多可政鄉里倚其芑覆故民間感之元時
祀鄉賢者又有姜天麟字稀世第進士舊志題翰林檢
討檢討非元制益檢閱也嘗講學於縣之曉霞山學者
稱笏軒先生或曰天麟宋咸淳進士後仕元或曰元以
檢討徵而天麟不就云

馬合謨亦色目人居湘潭州者元至正時以鄉舉爲進
賢縣達魯花赤兵起棄官歸明有天下十餘年始以疾

終於家或云謨實明舉人攷之省志明初湖廣鄉舉無
馬合謨名非也其所善有王汝礪

王汝礪字大治其父輔泰本江西安福人官善化教諭
卒於官汝礪乃徙占湘潭爲州學生至正七年鄉舉鍵
戶著書不通賓客家貧或饋以薪米固辭不受人重其
守徐壽輝之亂王路阻塞湘中諸縣土寇竄起衡山延
保茶陵文奇俱聚眾寇鈔旁縣邨落汝礪迺與趙康集
鄉里子弟以兵法部伍寇不敢犯康亦至正中省元晚
號青山有文名

劉永錫至正間廣西平章政事也兒吉尼辟爲行省都
事明太祖命總兵楊璟爲平章政事取廣西攻靖江吉
尼固守二月餘不下會總制張瑄約降璟與之白帽爲
識吉尼不知璟夜半從寶賢門入執吉尼至京師不屈
死之丞錫聞城破卽率妻子溺白龍池以死幕中亦多
自盡者

贊曰國衰文盛澗陸考槃何潘宜變藻繪江山亦有仁
勇克拯時艱龍池激潔無愧沈淵